

宣統二年八月第四期

廣東警務官報

每月二期逢朔望發行



廣東警務官報第四期目錄

章奏

民政部奏設圖志館摺

法部會奏詳訂檢察廳調度司法警察章程摺

文牘

稟請將司法警官警兵兩班飭令司法研究館查照原定期限教授文

申覆遵將各州縣辦理巡警決算預算名額薪餉數目列表呈核文

示諭各居民門口自備撮桶以便夫役挑運文

移司法研究館學兵曾昭照違犯警規不服制止請即革退文

札西路第六區所照文瀾書院紳董函稱事件查明分別辦理文

示諭禁止建醮文

照會廣州總商會美商游歷照部咨事理施行文

科覆參謀處先將戶數列送俟移自治籌辦處調取口數再行補送文

目錄

二

札順德巡警局會同順德縣查勘盧贊英呈控談奉璋等霸築官河一案分別稟辦文

函覆柔德學堂須借戲院開演影戲文

札各區所奉發嚴禁械鬥告示轉飭張貼文

札新昌巡警區所將獲犯莫宋一名送縣訊辦文

札屠捐委員盧守蔚獻會同南番兩縣飭令屠行商人辦理屠獸場文

通飭各屬出示禁止奸商宰賣死畜及灌水肉內文

札番禺縣查封鹿步司榕樹頭地方煙賭館文

通飭各區所所有挑淨瓦礫之處示禁居民不得再行堆積文

札東莞縣巡警局查明有無查煙勒索情事稟候核奪文

札飭各區所巡士查煙仍照舊章提賞文

札南海縣將興昌各膏店勒令歇業並查明仁和膏店曾否領有牌照文

移禁煙總局勒令違章售煙之人和膏店歇業將原領營業牌照移送註銷文

批高要縣吳令鴻飛稟繳分區試辦章程由

廣 東 警 務 官 報

批興甯警務所稟陳該處巡警情形並擬整頓章程呈核由

批順德縣警務長會稟第一區所附設警務所內俟款項稍充再請專派區官由

批海陽警務所申報生員周維崧開設韓江日報由

批江門警視員新會縣稟繳改區清冊並請札委警員由

批巡警南海沙頭分局巡官王峻稟請嗣後如遇狂暴開槍拒捕擬格殺勿論由

批崖州范牧雲梯稟繳調查戶口表冊由

批陽山縣盧令芳林稟籌調查戶口經費由

批茂名縣葉令大華稟繳調查戶口經費表由

批永安縣劉令厚桐稟繳調查戶籍經費清冊由

批開平縣段令紹章申繳戶數表由

法制

批瓊山縣王令士熙稟繳建築平民工藝廠章程及籌款各節由

民政部奏定巡警道屬官任用章程(補錄)

目 錄

四

法部會奏詳訂檢察廳調度司法警察章程

廣東巡警留醫院章程

巡長巡士賞罰專章

隄岸馬路規則

取締東洋車章程

取締馬車章程

報告類

廣東各廳州縣調查戶口區段長員總數表

附篇

外事警察(續)

東三省總督錫良奉天巡撫程德全奏安奉鐵路巡警成立所需經費請作正開銷摺

安徽巡撫朱家寶奏試署巡警各道卞緒昌等期滿請實授摺

河南巡撫吳重熹奏臚陳整頓巡警情形摺

陝西巡撫恩壽奏巡警餉項改發實銀請立案片

章奏



民政部奏設圖志館摺

奏爲臣部設立圖志館搜羅古籍以備續修一統新志恭摺仰祈

聖鑒事竊維國家富強之要圖不外軍備農商財賦交通諸大端而方輿一職實爲庶政之樞紐蓋全國之險要阨塞有所弗悉則興事無由策畫物產土宜有所弗辦則實業無由振興至若道路之險夷民生之貧富其於交通財賦尤有密切之關係推之海權國界爲言外交者之所注重更無論矣三代盛時方輿之政著爲典則其在成周官制尤備遂人土訓司險職方并置專官自漢以來官守漸失學者研求僅憑古籍雖著述頗多或限於見聞貽譏簡陋或競尙淵博鮮當事情歷唐宋元明代有志書之作亦僅能掇拾舊聞而已逮及我

章奏

第

四

期

朝爰有皇輿表一統志諸作以志全國地輿其餘行省州縣滿蒙西藏莫不各有專書官家著述之富遠邁前代事實之徵信體例之詳明亦非前代可比邇來中外交通天下形勢爲之一變昔時所稱完備之書今日實鮮經世之用不特礦產鐵道航路電綫爲前志乘所未有卽疆界政俗亦因時而變遷万今

朝廷百度維新若無詳瞻典重之編以紀其盛則庶司百僚於因革損益茫無考究行政阻碍良非淺鮮臣部職掌內政首重方輿舉凡經界戶籍之審查自保警保之分劃尤非究心地形明習地事不足以資治理而固邦本伏查大清一統志成書已越二百餘年各省通志自乾隆以後半未續修而嘉慶道光一統志均未見頒行近來私家著述更尠善本方輿所關至爲重大亟應準今酌古繼軌重編上以昭列

聖彊理天下之隆規下以資中外士庶之研究臣部職司攸分隸事至爲繁曠自非先行籌畫則臨時之擇採無從前經奏明調取各衙門行省圖志並頒發地理表式飭令詳細報告各在案並謹設立圖志館匯萃圖書並督飭司員悉心纂述嚴定體例分員編輯并隨時調取各衙門案卷藉供參考以爲續收一統新志之預備所需圖籍大半由各省調取

館員悉臣部司員兼充既所費之無多亦事半功倍一俟成效可觀再行請旨辦理所有預備續修一統新志先行設立圖志館緣由理合專摺具陳伏乞

皇上聖鑒謹 奏

法部會奏詳訂檢察廳調度司法警察章程摺

奏爲詳訂檢察廳調度司法警察章程謹繕清單恭摺會陳仰祈

聖鑒事光緒三十三年十二月二十四日臣等會奏酌擬司法警察及營翼地方辦事章程並聲明嗣後如有變通之處隨時修改奏明辦理各等因奉

旨依議欽此上年法部奏陳九年籌備辦法此項章程應歸第二年奏請頒行當經臣等節次派員編纂早經具稿嗣以會同籌議尙需時日擬歸入今年具奏業於上年十二月二十三日附片陳明在案竊維司法警察爲補助司法之機關無論何等官廳但執行此項事務時卽得稱爲司法警察而指揮調度之責則在檢察廳誠以檢察者代表國家保護公益事務至爲繁賾職任至爲重要是以此項章程就司法警察言之有職務上之規定就檢察廳言之有權限上之規定兩方並舉規畫宜周原章名稱稍嫌掛漏臣等正擬改

章 奏

章 奏

四

定適上年十二月憲政編查館奏定法院課制法清單內係稱爲檢察廳調度司法警察章程名義較爲賅括自應遵照改易今名以符名實查原章奏准奉行業屆兩年惟事屬草創於事實上庸有未盡愜合之處是以此次修改大致特就原章體察地方之情形參酌各員之經驗斟酌損益以期可行其有爲原章所未備者補苴罅漏其有原章辦法尙多窒礙者改絃而更張總期脈絡貫通化除畛域於司法得呼應靈便之機關於行政收相助爲理之効力計分八節都凡八十條臣等覆加詳核尙屬可行謹分繕清單恭呈

御覽如蒙

俞允卽由臣等通飭各該廳官一律遵照至營翼地方辦事章程係專爲步軍統領衙門而設自應仍照原章辦理其各省營汎有關於司法警察事務者均照此項章程一律辦理以杜侵越而免推諉所有詳訂檢察廳調度司法警察章程各緣由合恭摺會陳伏乞皇上聖鑒訓示再此摺係法部主稿會同民政部辦理合併聲明謹 奏

期

四

第



文 牘

稟請將司法警官警兵兩班飭令司法研究館查照原 定期限教授文

敬稟者宣統二年六月十二日奉

憲台札開宣統二年六月初六日據會辦司法研究館梅道光義稟稱竊照前因籌辦審判需用司法警察人才而粵省鄉鎮巡警尚未一律舉辦深恐辦理檢察或有窒碍當經詳奉憲台批准參酌天津奉天辦法咨由巡警道挑取巡長警兵到館分別開班教授俟畢業後派充檢察廳查案之用惟現查官報所載法部頒行檢察廳調度司法警察章程規定區長區員警務長巡官巡長巡警皆得執行司法警察職務是地方警察遇應執行司法事務之時皆得由檢察廳調度廳中自無庸另設司法警察人員查職館現辦之司法警官研究班

司法警兵教練隊開班後已逾四個月其應授主要科目業經次第講畢若令再加寔地練習當可勝任愉快茲據擬先將兩班學生咨回巡警道以備將來檢察廳調度之用如蒙批准擬懇

第

四

期

憲台俯賜札知巡警道體察情形酌定辦法稟覆所有擬將司法警官警兵兩班學生咨回巡警道緣由理合稟候察核訓示祇遵等情到本署督部堂據此扎道查照體察情形稟覆核辦毋違等因奉此查此案前准司法研究館移當即招選司法警官四十員並將各局巡警挑選司法警兵一百二十名分別移送並准司法研究館移覆以兩班學生統於二月二十日開學各在案查原定章程警官警兵均以七箇月爲畢業期限現僅學習四個月即將該學生咨回以備將來檢察廳調度之用竊恐各種學科既未盡悉則執行職務不無扞格之虞擬請

憲台飭下司法研究館查照原案俟期滿畢業方行送回由職道分別委用庶將來檢察廳成立足以供調遣而收寔效所有請將司法警官警兵兩班飭令查照原定期限教授緣由理合稟請

憲台察核是否有當伏候批示祇遵肅此具稟恭請 崇安伏祈 垂鑒奉批

來牘閱悉仰卽移知司法研究館仍照原案俟期滿畢業再行送回此繳

申覆遵將各州縣辦理巡警決算預算名額薪餉數目
列表呈核文

爲申覆事案奉

憲台案驗開宣統二年六月初五日准

內閣典籍廳咨開宣統二年四月十九日軍機大臣欽奉

諭旨御史趙炳麟奏請飭議確定行政經費一摺著在京各衙門各省將車督撫將九年籌備單內所開各條某年某事需款若干從何籌定分年列表詳議具奏等因欽此並准軍機處片交御史趙炳麟原摺二件刷印通行京外各衙門遵辦相應印刷原奏恭錄

諭旨咨行貴衙門遵照辦理可也計原奏一本等因到本署督部堂准此查九年籌備清單內開各條應歸各省督撫辦理者爲籌辦諮議局舉行諮議局選舉舉行資政院選舉籌

文牘

七

辦城鎮鄉及廳州縣地方自治設立自治研究所籌辦各級審判廳籌辦廳州縣簡易識字學塾調查戶口總數籌辦廳州縣及鄉鎮巡警調查歲出入總數各項或原有主管衙門或設立專辦處所照依清單遵限籌辦所有期限內進行秩序及籌辦方法各主管衙門及專辦處所應已早經籌議究竟逐年應用款項若干及有無籌定的款本署督部堂未據分年列表具報茲准

閣咨欽奉

諭旨事理合亟分行各主管衙門及專辦處所按照清單所開各項限十日分年列表具報到院以便彙奏其各部各院補訂籌辦事宜期限清單所開各項應歸各省督撫籌辦者該各主管衙門亦應查明籌議詳細開列合行檄飭爲此案仰該道即便遵照如限速辦等因奉此當將電催各屬限報情形先行申覆在案宣統二年六月十八日奉

憲台札開宣統二年六月十六日准

民政部電開御史趙炳麟奏請飭議確定行政經費一摺業由內閣刷印原奏通行各省遵照在案所有關於本部警察經費一項未據各省咨報各該省應將現設巡警額數薪

餉數目及現籌經費預籌經費各辦法速行咨部以憑核辦事關憲政望勿延緩等因准此合就札飭札到該道卽速遵照辦理此札六月二十五日奉

憲台札開案查本年六月初二日軍機大臣欽奉

諭旨湖北布政使王乃徵奏籌備憲政酌定緩急一摺著在京各衙門各省督撫歸併御史趙炳麟條陳一併詳議具奏欽此查趙炳麟奏確定行政經費條陳先經遵奉

諭旨事理抄錄原摺分行主管衙門及專辦處所妥速籌擬列表具報在案此次王乃徵所奏亦已具登六月初十日政治官報欽奉前因合就恭錄並抄摺札飭札到該道卽速併案議擬詳候彙齊復核奏咨辦理事關奉

旨飭議切弗遲延爲要此札正在趕辦間又奉

憲台函開前准

內閣先後電咨以趙御史炳麟奏行政經費一摺奉

旨飭各省督撫議覆又湖北藩司王乃徵一摺亦

敕併案議覆各等因欽遵轉行在案此事關繫憲政前途亟應早日議覆以備中央採擇鄙

第

四

期

意擬由各主管署所按九年籌備清單開列辦法送到敝處彙齊印刷再定期開會議廳集議以便取決至祈於本月十五以前將主管事務之辦法及對於此斟酌損益之意見摺送敝處各等因奉此竊查巡警之設所以保內治而防危害若僅於城鎮設立而四鄉未能推廣卽無以收完全之效果職道到任以來經札飭各廳州縣諄諄以推廣巡警調查戶口相勸勉除佛岡廳及信宜感恩平遠三縣正在籌設尙未開辦迭經嚴催外餘均陸續遵辦惟地方有大小經費有贏絀現擬酌定等次就現設之額數餉數預算量爲遞增所需經費仍飭由地方官就地籌欸以期不誤籌備要政茲將通省巡警決算預算名額薪餉數目及調查戶口經費預算決算列表申覆

憲台察核施行須至申者

示諭各居民門口自備撮桶以便夫役挑運文

照得清潔街道清道夫有掃除之義務各居戶有維持之權責輔車相依成效自著乃近查各街道清道夫非不力爲除掃無如清道夫之除掃甫過左右之糞草頗傾似此任意撒撥微特清道夫額數有限不能供其清理卽一街一夫亦不能勝此煩勞茲特仿照上海改良

辦法每戶須自備一洋鐵桶或木桶於門首戶內攬撥隨傾入之不准撒潑街面以備清道夫隨時挑運庶幾事半足臻功倍一勞可期永逸除通飭各區認真督率清理外合亟出示曉諭爲此示爾各居戶人等即便遵照刻日辦理以重清潔違者定照警律之第二十七條第六項或三十八條第二項處罰仰即懷遵毋違特示

移司法研究館學兵曾昭照違犯警規不服制止請即革退文

爲移會事現據東路巡警第三區轉據分駐所稟稱七月十五日二句鐘時適本所放三班叫號出勤時有曾昭在本所兵棚上高聲叫號喧傳內外經巡官詢問復敢強詞辨論不服制止實屬目無官長刁橫已極該曾昭係司法研究館學兵應否送回懲處之處伏乞

憲台察核施行等情據此查該警兵前由老新城六局選送學習平日在區當差應知警規現藉停課來所訪友以爲脫離關係任意放肆經巡官禁止尙敢抗不服從殊屬謬妄已極使他日畢業亦不足取除批飭外相應移會爲此合移 貴館查照請將警兵曾昭一名革退以示懲儆望切施行須至移者

文 牘

十一